

327
731

袁崇煥配祀關岳平議錄



始



袁崇煥配祀
關岳爭議錄



袁崇煥遺像

327-731



袁崇煥配祀關岳爭議錄

袁崇煥應配祀關岳此議始由伯楨倡之後浙江朱將軍採其議入告政府大總統發
 交政事堂禮制館核議禮制館以崇煥為文臣無庸置議具覆論古者多為崇煥鳴不平
 伯楨曾草袁崇煥應配祀關岳意見書貢獻於世幸公論尚存京師各部院暨各省將軍
 巡按使胎書與伯楨表同情者正不乏人行將再呈政府核辦茲將原函件錄出附刻於
 崇煥遺集後顏曰袁崇煥配祀關岳爭議錄藉以留傳後世作為信史亦從祀問題爭議
 一重公案也後之論世者或亦所樂聞者歟乙卯七月十五日東莞張伯楨識於京師蓮
 花寺

陸軍部來書

昨展宏著至佩闡揚忠義之盛心袁督師力捍強鄰國之柱石長城自壞明社遂墟溯其
 功德之隆宜食馨香之報武廟從祀諸賢本部尚在討論承惠督師遺集以為考鏡之資
 無任感荷手復順頌撰祺

篁溪先生

袁崇煥配祀關岳爭議錄

段祺瑞啓六月初一日

張伯楨寄贈本

大正
 4. 8. 6
 寄贈

心儀亦可得罪於天地
 言行亦何妨於名節
 乙卯五月初九日張伯楨贈
 袁崇煥

袁崇煥遺墨

參謀部來書

滄海先生史席頃奉大著從祀意見書及袁督師遺集等冊展誦數過欽佩莫名袁公浩氣精忠本足頡頏關岳又得椽筆發揮推闡入微洵足誅奸諛於既死發潛德之幽光從祀之議本部極表贊成已飭局歸入浙江將軍條陳案內彙辦矣至袁公遺集并意見書仍希惠賜一份以備瀏覽而資觀感焉專此奉懇敬頌著祺惟印照不宣

愚弟唐在禮謹啓五月二十五日

浙江將軍來書

滄海仁兄閣下久仰盛名未獲良覲比奉惠贈袁督師遺集四冊讀之悽感督師以文臣籌邊事雄武忠烈古今罕遇其儔不幸而處閭朝亂世受敵間而被主猜遂至自壞長城終墟明社其一身之生死乃為中國全局存亡之所係又不獨一姓之興衰已也今獲讀其遺文雖寥落數篇而發揚蹈厲足以規當年之經緯執事彙而存之捐廉刊印崇仰先賢風示來哲大君子之用心曷勝欽感大著從祀意見書尤為犀利明快今日圖所以振作士氣挽回頹風者端賴於此仁言利溥蓋不獨為督師之知己已也尚此鳴謝即頌著

祺

吉林將軍來書

朱瑞拜啟五月二十八日

篁溪先生鑒逕覆者前讀大著對於袁公崇煥應配祀關岳理由發揮詳實欽佩實深嗣又接奉通函公論熱忱嚙弗贊成此議容即擬稿呈請用表同心先此佈覆順頌公綏

孟恩遠敬復六月十二日

甘肅巡按使來書

篁溪先生著席逕復者頃奉惠書議以袁督師配享關岳高矚遠瞻尙論千古孤懷卓識獨邁衆流實獲我心至為欽佩考督師丁陽九之時勳不二之節風雲叱咤雷雨奮興偉略超群真誠為國智勇足以斷事謀畫足以綏邊雄劍倚天神珠耀海使當日長城不毀又何至九鼎播遷而乃反間工讒沈寃誤構霜飛六月血化三年萬衆號呼千秋嗚咽擬以漢家壯繆同為蓋代之英方諸宋室精忠各有出師之痛尤宜崇祀以闡幽光庶幾風馬雲車英靈如在從此黃蕉丹荔觀感有資敬表贊同質之公論專復即請撰安惟希昭察不備

張廣建拜啓六月十三日

貴州巡按使來書

子幹鄉兄足下 手書並意見書敬悉袁督師附祀關岳廟本無間然如同鄉上書請將弟名附驥至託此請台安

弟龍建章啟六月初九日

貴州巡按使袁督師配祀關岳建議

袁督師之浩氣精忠國史傳之稗官紀之文人詞士之發乎性情而形諸歌詠者章章已建章其何敢贅獨區區所欲言者以爲浩然之氣卽載惻隱是非辭讓羞惡之心以行者也其彌綸磅礴而塞乎兩間也鍾於人爲最多其鍾於人而充乎四肢百骸也實藏乎至中至正之心而隱然不可見否則飲食之具陰陽之交與禽獸等耳嗟乎人之所以異於禽獸並乎天地而稱三才者其此心也歟其此心也歟脫無此心則浩然之氣散而不凝虛而無薄乾坤或幾乎息矣是心也上智有之中材有之下愚亦有之如鏡然上智無欲故無蔽中材多欲故多蔽下愚則本來塵垢故常蔽中材苟時勤拂拭則明矣下愚苟毅然剔刮且且而爲之則亦明矣關壯繆岳忠武至今千百年間夷夏代更滄桑幾易而浩然之氣猶燦乎揭日月而行沛乎挾江海而流巍乎峩然若泰山喬嶽之深人景仰於無

窮者豈有他哉此心不死耳其爲上智無疑也若袁督師之忠之烈吾不知於上智何如要其氣則關岳之氣其心則關岳之心可知已諸君子於國恥紀念日建議以公配祀關岳其人心不死之徵也哉曩頗深念百端交集謂今國恥極矣天際風雲且日變而不可測設並世有賈生其人其痛哭流涕當何許也嗚呼阮步兵死空山無哭聲謝翱羽嘗慨然矣今日之議亦賈阮之所發憤而太息者歟喚不死之人心而蘇之使漸淬漸厲漸返乎惻隱是非辭讓羞惡之良而充乎天地畀我之正氣而浩然焉則是舉其嚆矢也語有之哀莫大於心死身死次之建章尤冀吾國人抱心死之哀切剝膚之痛忍遷岐之辱鼓沼吳之氣師督師之忠烈以達乎關岳報國之心庶禹甸神州不致陸沈也楚雖三戶猶足亡秦孫策一旅實抗曹魏願共祛其所蔽以心印心厲之而已

龍建章謹議六月二十日

貴州巡按使來書

子幹鄉兄足下先後接奉手書并從祀大著及袁督師遺像遺墨等幅慷慨激昂落落如玉莊誦再三欽遲無已竊念袁公爲有明一代偉人其生平事蹟浩氣精忠固足彪炳千

秋頡頏關岳而足下俛仰今昔推闡備至平日愛護古人之勤溢流言表起懦振衰功豈禹下從祀之議極表贊同重以鄉誼所關何敢推卸承示各節鄙人已畢銜建議入告用副雅志質之高明以為何如專泐奉復即頌著安惟希亮督不備

龍建章拜啓六月二十八日

自拙著袁崇煥應配祀關岳意見書問世後京師各部院暨各省將軍巡按使採郵所議者正多現擬刻一袁崇煥配祀關岳爭議錄將此中始末情形詳細記載并將各院暨各省將軍巡按使主張此議之函稿咨稿呈稿彙錄編成一書壽諸梨棗留傳後世供論古者參考伏望
各部院長暨各省將軍巡按使將主張此議之咨稿呈稿囑書記照錄一份寄北京爛熳胡同東莞會館與伯嶺收以便即日編輯付刻書成報答以酬高誼
乙卯七月東莞張伯嶺敬啓

327
1731

終

